

նին և Արշալույս հաժախանին, որոնք կարողացել էին խույս տալ ձերբակալությունից չի հաջողվում վերականգնել «Աստղիացի» բնդհատված գործունեությունը։ Ա. հաժախանը, մեկնելով Պարսկաստան, մեծ դժվարությամբ հրատարակում է «Կոլի» միայն մեկ համար։

Ճարիզմի կողմից ջախջախվում է «Հայ բանվոր հեղափոխականների ասոցիացիան»՝ կոմկոսի բանվորական առաջին կազմակերպություններից մեկը։ Նրա ղեկավար անդամների մի մասը՝ Պ. Մնացականյան, Գ. Մաղաթյան, Ս. Տեր-Սիմոնյան և ուրիշներ, աշխատում էին հնչակյան կուսակցության շարքերում։ Հետագայում, ռուսական առաջին հեղափոխության տարիներին, նրանց մի մասը վերջնականապես խզում է կապերը հնչակյաններից և մտնում ԽՍՀՄ շարքերը։

«Հայ բանվոր հեղափոխականների ասոցիացիան» թեև հայ իրականության մեջ 1890-ական թվականներին սկզբնավորվող հեղափոխական սոցիալ-դեմոկրատական կազմակերպություններից չէր, բայց իր գործունեությամբ որոշ հոգ նախապատրաստեց սոցիալ-դեմոկրատական խմբակների առաջամասն համար։

## 5. ԲԱՆՎՈՐԱԿԱՆ ԱՌԱՋԻՆ ՄԱՐԲՍԻՍԱԿԱՆ ԽՄԱԿՆԵՐԸ ԶԱՅ ԻՐԱԿԱՆՈՒԹՅԱՆ ՄԵՁ

XIX դարի վերջին և XX դարի սկզբին հայ հասարակական-քաղաքական կյանքում առաջացած տեղաշարժերը, կապիտալիստական հարաբերությունների զարգացումը, բանվորական շարժման վերելքը, ռուսական առաջավոր պրոլետարիատի հեղափոխական ելույթները նպաստավոր պայմաններ են ստեղծում հայ իրականության մեջ մարքսիզմի տարածման և բանվորական առաջին մարքսիստական խմբակների գաղափարական դաստիարակության համար։ Հայ իրականության մեջ մարքսիզմի տարածմամբ հայ հասարակական մտքի զարգացումը թեև կոխում է նոր փուլ, որն իր ակունքներում ունի մեծ հեղափոխական դեմոկրատ Միքայել Նալբանդյանի և նրա հետևորդների հեղափոխական-ազատագրական սլաքարի ավանդույթները և առաջավոր գաղափարները։

90-ական թվականներից Անդրկովկասում երևան են գալիս մարքսիստական առաջին խմբերն ու խմբակները, որոնք ունենին ինտերնացիոնալ կազմ։ Վրաստանում առաջին հեղափոխական խմբի գործունեության հետ է կապված Ա. Մ. Գորկու (Պեշկով) անունը։ 1891 թ. երիտասարդ Գորկին, գալով Թիֆլիս, կապվում է Ֆ. Աֆանասևի ղեկավարությամբ գործող գաղտնի խմբակի՝ «Կրասնոգորսկայա կոմունայի» հետ։ 1892 թ. հիմնվում է վրացական առաջին մարքսիստական խումբը, որը հետագայում կոչվեց «Մենսամե դասի» (ներքոք խումբ)։ Նրա ղեկավար կազմում, բացի վրացիներից, կային նաև ռուսներ և հայեր, այդ թվում՝ Ֆ. Աֆանասևը, Ֆ. Մալոբովը, Ի. Լուկինը, Ստ. Դանդուրովը (Դանդուրյան), Ն. Ֆլերովը։ «Մենսամե դասին» համախոհ մարքսիստների միասնական կազմակերպություն չէր։ Նրա մեծամասնությունը, Ն. Ժորդանիայի ղեկավարությամբ, լեզալ մարքսիստներ էին և ունենին նացիոնալիստական ուղեգիծ, իսկ փոքրամասնությունը հեղափոխական մարքսիստներ է. Կեցիուկելու, Ս. Մուլուկիձեի, Մ. Յիսակայայի, Ֆլիխյ Մախարաձեի, Ա. Զա-

փարիսի ղեկավարությամբ (հետագայում նրանց միացավ Ի. Զուղաշվիլին՝ Ստալինը) 1898 թ. հիմնադրեց ՌՍԴԲԿ Թիֆլիսի կոմիտեն։

1896 թ. Թիֆլիսում կար մոտ քսան բանվորական, մարքսիստական խմբակ։ Անդրկովկասում մարքսիստական խմբակները կազմակերպում էին «Պայքարի միությանը» և այլ հեղափոխական կազմակերպություններին պատկանելու համար Ռուսաստանից արտաքսված սոցիալ-դեմոկրատները։ 1897 թ.



Մատիմ Վոսիկ

Ֆ. Աֆանասևի, Ա. Նեուկիսի և ուրիշների եռանդուն ջանքերով Բաքվում հիմնադրվում են բանվորական առաջին հեղափոխական խմբակները։ 1898—1899 թթ. Բաքվում արգեն կային բանվորների մի քանի մարքսիստական խմբեր, որոնցից մեկը, փականագործ Ի. Վացեկի և խառատ Պոպովի ղեկավարությամբ, գործում էր Սև քաղաքում։ Բալխանիի մարքսիստական խմբակներից մեկը ղեկավարում էր առաջավոր բանվոր Հ. Զարգարյանը (Զարգարով)։

Հայ իրականության մեջ բանվորական, մարքսիստական առաջին խմբերը ստեղծվել են Թիֆլիսում, Բաքվում, Ալեքսանդրապոլում, Ալավերդում։ Դարասկզբին հայ բանվորների զգալի մասին հուզում էր արևմտահայերին սովթանական լծից ազատելու խնդիրը։ «Կովկասն այն զլխավոր թատերաբեմն է,— գրել է Բ. Կնույանցը ՌՍԴԲԿ II համագումարին ներկայացրած Բաքվի կոմիտեի զեկուցման մեջ,— որտեղ այդ կազմակերպությունները քաղում են իրենց մտավոր-

րական մարտական ուժերը, հավաքագրում են բանվոր և գյուղացի երիտասարդությանը, հեղափոխական խմբեր (հայդուկներ) կազմակերպելու համար։ Հենց այստեղ էլ՝ բանվորների, ինտելիգենցիայի և սովորողների շրջանում հայթայթվում էին հիմնական միջոցները։ Նրանք ունեին խմբակներ, կազմակերպված ձևով մղվում էր պրոպագանդա։ Հայերեն սովորող լավագույն լեզուլ գրականությունը գտվերգում էր թուրքահայերի քաղաքական ազատագրման դադափարը։ Ռուսաստանի սահմաններում պայքարի գաղափարը շանասիրությամբ լուծված էր տրվում, բանի որ վախենում էին դրանով ուժերը շեղել զլխավոր պայքարից»<sup>87</sup>։

Կային և այնպիսի հայ բանվորներ, որոնք գիտակցում էին իրենց գասակարգային շահերը, բայց հայերեն մարքսիստական գրականության պակասի պատճառով իրենք մեկուսացած էին մնում բանվորական ընդհանուր շար-

<sup>87</sup> «Второй съезд РСДРП, Протоколы», М., 1959, стр. 530.

ժամանակից: Բանվորական առաջին ցույցերն ու ելույթները սկսվեցին, ակտիվացրին նրանց:

Հեղափոխական սոցիալ-դեմոկրատիան, բացի ինտերնացիոնալ, մարքախտական խմբերի ստեղծումից, մտահոգված էր մայրենի լեզվով սոցիալիստական զրականություն հրատարակությամբ, հայ բանվորների մարքախտական խմբակների ստեղծմամբ: 1898 թ. Թիֆլիսում կազմակերպվում է հայ բանվորների առաջին սոցիալ-դեմոկրատական, մարքախտական խումբը, որի ստեղծման գործում խոշոր դեր խաղացին բանվորական ինտերնացիոնալ ընտանիքում իրենց առաջին մկրտությունն ստացած առաջավոր բանվորներ: Մեկի Մելիքյանը (Դեդոշկա), Աղելխանովի կոշիկի գործարանի բանվոր Ասատուր Կախոյանը (բանվոր հեշո), էնֆիաշյանցի ծխախոտի գործարանի բանվոր Հայկ Փիլոսյանը<sup>88</sup> և ուրիշներ: Խմբի կազմում էին նաև սոցիալ-դեմոկրատ պրոպագանդիստ Գևորգ Ղարաջյանը (Ս. Տ. Արևմեդ), Թիֆլիսի երկաթուղային ղեկավար բանվորներ՝ Խ. Քեշիշյանը, Գ. Մկրտումյանը, Արտեմ Տեր-Հարությունյանը, Բողաբջյանի ծխախոտի ֆաբրիկայի բանվորներ Ալեքսանդր Վարդանյանը, Պետրոս Թավիշյանը, Կովկասի հայոց բարեգործական բնկերություն հրադարան-ընթերցարանի աշխատող Գարեգին Կովիկյանը (Եսայեմ)<sup>89</sup> և ուրիշներ: Խմբի անդամները որոշակի ծրագրով պարապմունքներ էին ունենում, որոնց ղեկավարում էին Մ. Մելիքյանը և Գ. Ղարաջյանը: Խումբն ստեղծում է բանվորական դրամարկը, ձեռք է բերում հեկտոգրաֆ, մասնակցում Թիֆլիսի բանվորների քաղաքական ելույթներին:

Հայ բանվորների առաջին մարքախտական խումբը, որ գործեց մինչև 1901 թ. զարունը՝ «Թիֆլիսի բանվորների միություն» անունով, իր ճյուղերը տարածեց ոչ միայն Թիֆլիսում, այլև Բարվի, Բաթումի և այլ քաղաքների բանվորների մեջ: Խմբի ղեկավարները 1900-ական թվականներին հայերեն թարգմանեցին և ձեռագիր ու խմբատիպ բրոշյուրներով բաղմացրին «Մալիսի մեկը», «Բանվորական միություններ» գրքույկները, Կ. Մարքսի, և Ֆ. էնգելսի «Կոմունիստական կուսակցության մանիֆեստը» և այլ աշխատություններ: Այդ խմբում մեծ դեր էին խաղում Մելիք Մելիքյանը և Հայկ Փիլոսյանը: Մ. Մելիքյանը դառնում է հայ իրականության լավագույն բանվոր հեղափոխականներից մեկը, կրակոտ ու սրամիտ ազիտատոր ու պրոպագանդիստ: Բաղմաթիվ բանվորներ, աշխատավոր գյուղացիներ իրենց քաղաքական դաստիարակության համար երախտապարտ են Մելիքյանին՝ Դեդոշկային: Հայկ Փիլոսյանը նույնպես լինելով կրթված բանվոր, պրոպագանդիստական աշխատանք էր կատարում Աղելխանովի կաշեգործարանում և այլ ձեռնարկություններում: Նրա և Մելիքյանի օգնությամբ բանվորներից շատերն ազատվեցին հնչակյանների ազդեցությունից և անցան սոցիալ-դեմոկրատիայի կողմը:

Թիֆլիսի էնֆիաշյանի, Բողաբջյանի, Սաֆարովի ծխախոտի ֆաբրիկաների, Աղելխանովի և Փարսազանովի կաշվի գործարանների, մանր արհեստանոցների բանվորները սերտորեն կապված էին Մ. Մելիքյանի և միության մյուս

<sup>88</sup> Հայկ Փիլոսյանը հայտնի է նաև Հայկ Աղամյան, Պողոս Փիլոսյան, Հայկ Պողոսյան ծածկանուններով:

<sup>89</sup> Գ. Կովիկյանը հետագայում դարձավ հայ սոցիալ-դեմոկրատական բանվորական կազմակերպության անդամ-սպեցիֆիկ:

անդամների հետ: Միությունը զաղտնի հավաքույթներ և ժողովներ էր անցկացնում, որոնց մասնակցում էին նաև վրացի բանվորները, այդ թվում Սանդրո Բաշիաշվիլին, Ի. Մանջավիձեն, ռուս հեղափոխական Ի. Սուխանովը և ուրիշներ: Հավաքույթները մեծ մասամբ գումարվում էին Քիֆիսի խոջեվանքի հայկական զերեզմանատանը, երբեմն էլ Աթորունու բարձանսարայում, Տեր-Հարությունյանի կոշկակարանոցում, Դանիելովի թեյարանում և այլ վայրերում: «Ամեն օր Տեր-Հարությունյանի կոշկակարանոցն են զալիս հայ բանվորներ,— ասված է ժանդարմական մի զեկուցագրում,— այնտեղ կարդում են ինչ-որ թերթեր և նամակներ, «Բանվոր դասակարգ» թեյաբանում ևս ամեն օր զրույցի են հավաքվում բանվորները... իսկ փետրվարի 3-ին (1901 թ.— խմբ.) երեկոյան ժամը 8-ին, Դանիելովի թեյարանում տեղի ունեցավ Բոգարչյանի ծխախոտի ֆաբրիկայի բանվորների հավաք: Այդ հավաքին ներկա էին Բաշիլը, Մանջավիձեն, Փիլոսյանը և Կոզիկյանը»<sup>90</sup>:

1900 թ. Մ. Միլիբյանը, Հ. Փիլոսյանը և մի քանի հեղափոխական բանվորներ Քիֆիսում հիմնում են «Բանվոր» ձեռագիր թերթը, որն իր ճակատին կրում էր «Պրոլետարներ բոլոր երկրների, միացե՛ք» մարքսիստական կոչը, իսկ վերնագրի տակ գրված էր՝ «Հայկական սոցիալիստական բանվորական օրգան»: Թերթը բազմացվում էր 60—100 օրինակով: Սա առաջին հայերեն թերթն էր, որի շուրջը հիմնականում համախմբված էին բանվորները:

Հանդամանորեն վերլուծելով Կովկասի պրոլետարիատի քաղաքական խնդիրները, «Բանվոր» թերթը պարզաբանում էր, որ սերտորեն համագործակցելով ռուս պրոլետարիատին, իբրև մերձավորագույն նպատակ պետք է գրոհել և տապալել միապետությունը և ձեռք բերել մամուլի, ժողովների, ընտրելու և ընտրվելու ազատություն: «Նամակ հայ բանվորներին», «Խորհուրդներ» և այլ հոդվածներում խոսվում էր Անդրկովկասի բազմազգ բանվորների ինտերնացիոնալ համերաշխության, հեղափոխության մեջ բանվոր դասակարգի դերի, նրա պայքարի եղանակների, հատկապես զինված ապստամբության կազմակերպման մասին: Հայ բանվոր սոցիալ-դեմոկրատների անդրանիկ խումբը և նրա օրգան «Բանվորը» համոզված էին, որ XX դարում վերջնականապես կիրազդվեն աշխատավորների ցանկություններն ու ձգտումները և վերջնականապես կհաստատի բաղձալի ու երազած աշխարհը<sup>91</sup>: Անժխտելի են «Բանվորի» ծառայությունները հայ աշխատավորների հեղափոխական զարթոնքի ազդանշման, սոցիալիստական գաղափարների տարածման գործում:

Ռուս և եղբայրական այլ ազգերի սոցիալ-դեմոկրատների օգնությամբ ստեղծվելով իրենց անդրանիկ մարքսիստական խումբը, հայ բանվորները որոշ քայլեր են կատարում տարերային-տնտեսական ընդլզույթներից հեղափոխական-գիտակցական պայքարին անցնելու ուղղությամբ: Բաբվում, Քիֆիսում, Բաթումում և երկրամասի այլ քաղաքներում ստեղծված մարքսիստական խմբակներն իրենց ազդեցությունը տարածում էին նաև Հայաստանի աշխատավորների վրա: Այդ խմբակներում ընդգրկվածներից շատերը կապված էին Հայաստանի քաղաքների ու գյուղերի հետ և տարածում էին սոցիալիզմի սերմերը: Այդ գործում պակաս դեր չէին խաղում Ռուսաստանի, ինչպես նաև

<sup>90</sup> ՄԼԻ-ի Վրացական մասնաճյուղի արխիվ, ֆ. 31, դ. 170, թ. 9:

<sup>91</sup> Տե՛ս ելույն տեղում:

արտասահմանյան բարձրագույն զարգացմանը հայ երիտասարդները, որոնք գալով հայրենիք իրենց հետ բերում և տարածում էին մարքսիստական գրականություն:

Հայ իրականության մեջ ձևավորված բանվորական անդրանիկ խմբակները, թեև քաղաքականապես չէին հասունացել և դեռևս չէին ազատվել տնտեսական սլաքարի մտայնությունից, այնուամենայնիվ որոշակի դրական դեր խաղացին: